

歎不已翌日扶輿挽觀葬于龍底龜山之下時首夏十有三日也真人資稟不凡夙性穎悟真神仙人也既獲三聖口傳而面命脫馳馬試劍之習而為修真鍊行之歸離抗塵走俗之形而為超凡入聖之舉向也不識之無今也筆則成書向也未嘗學問今也言則成文命意高絕於古今措詞暗合於聲韻雖博學多識文人才士有所不逮蓋其造詣極深修行極至聖賢不期而自佑詞章不學而自得宜與夫窺陳編以盜竊者大有逕庭矣

門人靈陽子等親炙日久聞見日多得師流傳遺文詩詞歌頌總四篇為上中下三卷目曰和光集不敢自私刻梓以傳於世別集真人出處遇真紀年一帙曰遇仙記尚庶幾真人昇仙證道之源流垂世立教之本末開卷而瞭然也故為之記

擬陽童真人遇仙記

諸師真誥

元始至尊號

鳥

志心歸命禮三界之上梵炁彌羅上極無上天中之天鬱羅蕭臺玉山上海渺渺金闕森羅淨泓玄元一炁混沌之先寶珠之中玄之又玄開明三景化生諸天億萬天真無鞅數眾旋斗歷其四度五常巍巍大範萬道之宗大羅玉清虛元自然至真妙道元始天尊

上清號

志心歸命禮居上清境號靈寶君祖劫化生九萬九千餘梵炁赤書煥發六百六十八真文因混沌赤文而開九霄紀元洞玉曆而分五劫天經地緯巍乎造化之宗擬陰機陽卓爾雷霆之祖大慈大願大聖大慈玉宸道君靈寶天尊

泰清號

志心歸命禮隨方設教歷劫度人為皇者師帝者師王者師假名易號五天之道地之道人之道隱聖顯凡總千二百之官君包萬億重之梵炁化行今古著道德凡五千言主握

陰陽命雷電用九五數大慈大願大聖大慈太上老君道德天尊

彌羅號

志心歸命禮彌羅無上天妙有玄真境渺渺紫金闕太微玉清宮無極無上聖無無復光明寂寂浩無宗素純總十方洪寂真常道恢漠大神通宮蒼真老妙圓清靜智慧辯才至道至尊三界師混元祖無能聖主四生慈父萬天上聖大慈仁者十號圓滿萬德周身無量度人拔生死苦諸佛之師眾聖之王太上開天執符御曆含真體道金闕雲宮九穹歷御萬道無為大通明殿昊天玉皇大天尊玄穹高上帝

天皇號

志心歸命禮紫微宸極勾陳天宮九光寶苑之中五炁玄都之上體元皇而佐司玄化總兩極而共理三才主持兵華之權衡廣推大德統御星辰之躔次母夫帝經上象龜鏡真元恢漠大慈大願大聖大慈勾陳上官天皇上帝

星主號

志心歸命禮大羅天闕紫微星宮尊居北極之高位正中天之上佛號金輪熾盛道稱玉斗玄尊瓊璣玉衡齊七政總天經地緯日月星宿約四時行黃道紫垣萬象宗師諸天統御大悲大願大聖大慈萬星教主無極元皇中天紫微北極大帝

后土號

志心歸命禮九華玉闕七寶皇房承天稟命之期主陰執陽之柄道推尊而合弘光大德數著於柔順利貞效法昊天根本育坤元之美流形品物生成施母道之仁嶽瀆是依山川咸伏大悲大願大聖大慈承天效法后土皇地祇

神霄號

志心歸命禮高上神霄府凝神煥照官會元始祖炁以分真應妙道虛無而開化位乎九霄之上統理諸天總乎十極之中宰制萬化宣金符而垂光濟苦施惠澤而覆育兆民恩溥乾元仁敷浩劫大悲大願大聖大慈玉清

真王南極長生大帝統天元聖天尊

救苦號

志心歸命禮青華長樂界東極妙嚴宮七寶芳霧林九色蓮花座萬真環拱內百億瑞光中上清靈寶尊應化玄元始浩劫垂救濟大千甘露門妙道真身紫金瑞相隨機赴感誓願無邊大聖大慈大悲大願十方化號普度衆生億億劫中度人無量尋聲赴感太一救苦天尊青玄上帝

可韓號

志心歸命禮高上丹霄鍊元上府朱宮絳闕毓神光於浩劫之家寶木寡林現瑞相於太清之境運大化慈悲之造降真精靈奮之機削死上生廣天地一元之德陶魂鑄魄回幽靈萬類之生煥發陽明普照陰境大悲大願大聖大慈九天青城可韓丈人朱陵度命天尊

善化號

志心歸命禮九天應元府無上玉清王化形而滿十方談道而跌九鳳三十六天之上闕

寶笈考瓊書千五百劫之先位正真權大化手舉金杵如意宣說玉樞寶經不順化作微塵發號疾如風火以清淨心而弘大願以智慧力而伏諸魔總司五雷運心三界羣生父萬靈師大聖大慈至皇至道九天應元雷聲善化天尊

雷祖號

志心歸命禮高上玉霄府雷霆洞淵宮三境分真九天演化光會大羅之表神通浩渺之天拯水旱於下方祛蟲蝗於歷劫發弘誓願利濟衆生大聖大慈大願九天雷祖大帝除災濟物天尊

太一號

志心歸命禮高上琅霄府紫微碧玉宮光煥鬱蕭真凝太極發妙炁於金闕炬大化於混茫回淳風於澆漓之餘保制劫運恢利澤於寰宇之表陶育黔黎大聖大慈大悲大願上清紫微碧玉宮太一天帝保制劫運天尊

洞淵號

志心歸命禮高上太霄境六天洞淵宮瑞相

端嚴現光明於碧落之境真身廣博救妙澤於種民之天遵玉府之魔靈蕩蕩萬方之瘴癘躋民生於仁壽撫治化於希夷大悲大願大聖大慈六天洞淵大帝伏魔上上太一天尊

六波號

志心歸命禮紫霄上境六波天宮妙相光明現慈願於天一家居寡廓施福惠於人寰捍浩渺之洪災濟災威之回祿陶鑄萬靈綜理一元大聖大慈大悲大願六波天皇帝君普施法潤天尊

採訪號

志心歸命禮紫霄景曜府九天保運宮至道分光總十方之梵炁真常顯妙回浩劫之澆風采錄諸天紀善功而消惡藉恩融萬化操標字而上生名大聖大慈大悲大願九天採訪朱陵上帝應元保運妙化天尊

斗母號

志心歸命禮西天竺國大智光中真空妙相法王師無上玄元天母主金光燦燦日月潛輝寶杵旌時鬼神失色顯靈蹤於塵世衛聖

駕於閻浮衆生有難若稱名大士尋聲來救苦大悲大願大聖大慈聖德巨光天后摩利支天大聖

三官誥

唯三聖人乃一太極晉受浩劫家之命鼎曆無量品之褒崇微清虛洞陰總領功過賜福赦罪解厄濟濟存亡道冠諸天恩覃三界大悲大願大聖大慈三元三品三官大帝三官九府應感天尊

火官誥

四元四品考較火官運扶乾健德合離明居太陽丹天之中統左府注生之籍威德在火炎帝持衡功參佐於三元氣運行於四月駕赤龍而行南陸照明熒威之宮燭朱陵而顯丹臺煥赫文昌之府輝輝朗耀炳炳照臨大悲大願大聖大慈赤皇上品三炁火官炎帝真君洞陽大帝南丹紀壽天尊

玄天誥

混元六天傳法教主修真得道清虛羣迷普為衆生消除災障八十二化三界祖師大慈

大悲救苦救難三元都部署九天遊奕使左天罡北極右垣大將軍鎮天助順真武靈應福德衍慶仁慈正烈協運真君治世福神玉虛師相玄天上帝金闕化身蕩魔慈劫降苦天尊

祖天師誥

本來南土上沂蜀都先獲黃帝九鼎之丹書後事老君兩度於玉局千軸得修行之要一時成吐納之功法錄全成受盟威品而結璘訣正邪兩辨奪福庭治而化鹹泉德就大丹道齊七政大悲大願大聖大慈三天扶教輔玄體道大法天師雷霆都省恭玄上相都天大法主正一沖玄神化靜應顯佑真君六合無窮高明大帝降魔護道天尊

路祖師誥

誕生漢室錫號晉朝惟布悉以降邪曾吞虎而救世管玉霄洞真之法傳玄室內教之經掌雷府刑行都督府便宜之事授天師職昇紫微天右相之班判係陽宮主混元教大悲大願大聖大慈真元清皇上帝太虛普惠真

君九天寶冊司命天尊

魏祖誥

元皇演化妙有真身光明滿月現靈容清靜
玄風開正教道尊聖祖德重醫王主三界之
雷霆校羣生之祿籍祖師大慈仁者家照法

王南嶽總仙上真九天司命金闕上保高元
清真紫虛元君

仙公誥

天台得道閣卓成真昔受東華復傳西蜀詔
命玉京金闕位登太極仙班慈憐拯拔於沈
淪恩念普資於苦莫為天氏遺風顯著勾漏
金丹妙具存括履任遊羅浮乃止偷聞玉笥
修理金書大悲大願大聖大慈太上玉京東
吳太極左宮仙公雷霆玄宥天機內相玉虛
紫靈普化玄靜常道冲應孚佑真君至恩廣
救慈悲天帝度人無量天尊

真君誥

混元始祖一炁分真多劫之前積修至道勤
苦備悉經緯逾深萬法千門罔不斯歷救災
拔難除害蕩妖功濟生靈名高玉籍衆真推

仰宜有甄陞大悲大願大孝大仁九州都仙
太史高明大使雷霆奉省天樞伏魔上相至
道玄應神功妙濟掌九天司職太一定命注
生真君三天按察都檢校普奏諫議大夫天
醫大帝度人祖師淨明善化天尊

華蓋誥

五清高聖虛皇至真混元仙主應化分靈合
真體道功行圓成驅雷役電福國康民輔佐
忠孝誠罪延齡華蓋祖師人天教主會書雷
霆三省上相金闕大仙孚佑顯靈超應護國
真君九天掌祿上卿高玄上帝妙道教主三
五飛步正佑妙靈冲應太虛真君南極注生
仙卿玄明上帝克誠教主九一上清顯佑感
靈誠應妙速真君北極考校仙卿大明上帝
三境化身天尊

梓潼誥

不驕帝境玉真慶宮現九十八化之行藏顯
億千萬種之神異飛鸞開化於在在如意救
劫以生生至孝至仁功存乎儒道釋教不驕
不樂職盡乎天地水官功德難量威靈莫測

大悲大願大聖大慈九天輔元闕化主宰司
祿職貢舉真君七曲靈應係德弘仁大帝談
經演教消劫行化更生永命天尊

三茅真君誥

天人道德仙聖真師孝悌通於神明恩澤被
於家園隱恒山而悟道棲句曲以昇天主岱
宗桓霍之山職赤城華陽之洞劫運陰陽而
統轄雷霆水澤以兼司接二弟之英資授登
真之秘訣咸領神仙之籍共膺玉冊之榮德
博幽明仁霑普率隨機赴感誓願弘深太元
妙道冲虛聖佑真應真君地仙上真定錄右
禁冲靜德佑妙應真君地仙至真三官保命
冲惠仁佑神應真君九天司命三茅應化天
尊

麻姑元君誥

圓通湛寂定應慈仁崑崙山示現妙身青城
洞光顯聖迹通吳度蔡善應誠而感通擲米
成丹常遊戲而變化總領羣仙之上包羅萬
彙之中鍊體九和超功十極大悲大願大聖
大慈麻姑真寂冲應仁佑妙濟元君

洪崖仙伯語

一悉分真五行毓質作上古神農之師表受
二儀靈寶之真機常示現於晉唐每垂光於
今昔跨雲精於西嶺劃長嘯於開元音動宸
旒清絕隱露之殿法傳明褐綿洪道日之輝
澤被寰區恩周普率大悲大願大孝大仁洪
崖先生青城仙伯淨明經師應化真君

全真五祖語

大道開先玄元闡化教垂今古示統東華接
漢室之將軍隱終南而仙契過化象起於劫
運示現常在於人寰啓唐朝之英賢悟神仙
之秘訣飛劍貨藥警化無方金廷丞相之高
標寶印力辭之勇決霞榻上陟南北統宗天
復挺於人豪道通於四海發金蓮之七朵
演仙派於十方長生理被於今玄妙天垂
於華土恢弘至道廣度愚迷全真祖師東華
紫府輔玄立極大道帝君正陽閣悟傳道垂
極帝君純陽演正警化孚佑帝君海蟾明悟
弘道純佑帝君重陽全真闡化輔極帝君五
祖闡道天尊

祖元君語

元始化炁清微正宗廣大高明悟心全於道
體明健純粹生性稟於神靈致靈寔於無為
之中包天地於有象之外上極無上會四派
之真源玄之又玄參三乘之妙義闡揚大教
利濟羣生洞照官中清微師祖元上侍宸金
闕昭疑妙道係仙通化一揮元君

北七真語

道先一氣世顯七真悟五行不到之言得九
轉送還之訣甘泉潤物變朽回春金國仙姿
得四言而契道衛州變化坐十載以成真壁
間墨迹之非凡雪竹月松之姿異二井有多
生之記一時著顯化之功礪礪六年龍門七
載道功備而名聞時主丹符錫而掌據神仙
石上談玄空中飛蓋元主屢宣而問道甘霖
剋日以濟民養窮易道之言晚造神仙之訣
卦圖斯演至道大成清靜散人探玄得道達
萊仙路億劫獨持慈悲濟苦全真祖師丹陽
抱一無為善化真君長真真神玄靜慈德真
君長生輔化宗玄明德真君長春金德神化

明應主教真君玉陽體玄廣慈普度真君太
古廣寧通玄妙極真君清靜淵真玄虛順化
元君七真演化天尊

南五祖語

明真證道行化南天九皇降迹於天台一脉
浚通於劉祖采瓊花之仙異著悟真之丹書
道付杏林不日還元之篇集法通難足于焉
丹髓之書成真入挺出惠州性地悟超神俊
刀圭入口神化無邊施雷雨於掌中甦民生
於世外德彰南海獲瓊玉之英標道徧遐荒
飲法言之靈妙龍虎浮羅之迹武夷玉隆之
區遇化多方真文備著為神仙之首冠集前
代之範模警願弘深慈惠仁聖祖師悟真紫
陽真人杏林翠玄真人道光紫賢真人泥丸
翠虛真人瓊瑤紫清真人

虛靖天師語

白雪丹消黃芽首積文章星斗老君授三五
飛步之玄玉局錄符漢祖傳正一新邪之旨
于以登名於紫府于以掌握於雷霆伐疵癘
於青城滅妖氛於下界蕤蕤蕩蕩妙妙玄玄

去太極登紫微聚三華朝五炁隨檢檢物開
邪存神祖師三十代天師虛靖冲弘悟道真
君玄風演化天尊

侍宸誥

高上神霄玉清雷府光一炁鍾秀君峯道
運五行侍宸徽廟堂中雷雨救旱消災指顧
陰晴安邦護國功齊億劫教法祖師德濟羣
迷衆生慈父冲虛通妙靈慧真君

雷真人誥

高上神霄府玄都執法專演教大真人玉帝
侍御史九天都糾察闡教慈父濟世真師提
點三界統攝萬靈瓊都上相混元妙道普濟
真君雷聲演教天尊

辛天君誥

高上碧霄上清華王東極注生青華大帝南
昌火府通明猛吏陽晶鍊度執法真人分權
定衡真王玄都玉府太極先天冲玄上吏太
乙木郎先天都元帥九天考較使司元儲福
定命真君鐵筆注律大神光寂通天演法大
元帥掌風雲雷雨電霜雪雷銀牙權目提點

三界三十六天雷霆大都督青帝天君元始
一炁節制萬靈太乙五雷判府天尊

鄧天君誥

高上神霄玉清真王南極長生朱陵大帝太
陽九龍皇君南昌上宮受鍊真人至真霹靂
大仙玄都九疑九夷蓬萊滄水使者上清三
境都元帥九天採訪使應元保運妙化真君
欽火律令大神光妙橫天演真大元帥掌行
風催雨誅邪破廟祛諸潭洞總統三元八十
一天雷霆都總管炎帝天君元始祖劫一炁
分真太一雷聲普化天尊

張天君誥

高上神霄玉清真王南極保生洞陰大帝賜
谷神君清都律令蓬萊都水使九天探察大
元帥統攝三十三天雷霆都總管掌雷雲電
雨部玉府持奏禦魔天君校籍三界洞淵真
宰誅滅五逆賞善罰惡使者飛捷報應真君
元始一炁宰御萬靈太乙五雷廣應天尊

趙元帥誥

靈通玉演聖德照彰凝形於大梵之初顯化

乎無窮之世持鞭提索馭虎降魔飛行三界
鬼神驚呼吸一聲天地振威光景朗無願而
弗從玄鑑靈明有求而皆應救生靈疾苦保
家國安寧贊揚道法以無窮靈鎮玄風於水
劫大悲大願大聖大慈扶天廣聖如意冲和
大神君

諸師真誥終